



«БЕКІТЕМІН»

«Зерделі» ақыл-ой дамыту

«Мектебі» ЖШС бас директоры

Мәуіт Ү.М.

2023ж.

## «АЛТЫН САҚА»

# МАТЕМАТИКАЛЫҚ ОЛИМПИАДАСЫНЫҢ ЕРЕЖЕСІ

### I. Жалпы ережелер

1.1. Бұл Ереже 3-4 сыныптар арасында өткізілетін «Алтын сақа» математикалық олимпиадасының (*әрі қарай - олимпиада*) мақсаты мен міндеттерін, өткізу тәртібі мен ұйымдастыруын қамтамасыз етеді.

1.2. **Ұйымдастырушылар:** «Дарын» республикалық ғылыми-практикалық орталығының қолдауымен «Зерделі» ақыл-ой дамыту мектебі мен өңірлік «Дарын» орталықтары.

1.3. Ұйымдастырушылар осы олимпиаданың мақсаттарының орындалуы мен принциптерінің сақталуына және барынша адал бәсекелестікті қамтамасыз етуіне жауапты. Егер қатысушылар әр кезеңде ашықтық пен адалдық сақталмаса, нәтижесі бойынша ол мектепті екі жылдық олимпиадаға қатысу құқығынан айырады.

### II. Олимпиаданың мақсаты мен міндеттері

2.1. Математика пәні бойынша қабілетті балаларды анықтау, олимпиада резервін қалыптастыру.

2.2. Математика пәні бойынша оқушылардың қызығушылығын қалыптастыру, ғылымға, жаратылыстануға баулу;

2.3. Оқушыларды математикалық ұғымдарды талдауға, сыни тұрғыда ойлауға, күрделі есептерді шешуге дағдыландыру;

2.4. Жеңімпаздарды анықтап, ынталандыру.

### III. Олимпиадаға қатысу шарттары мен өткізілу тәртібі

3.1. Олимпиада алдын ала дайындалған жоспар бойынша өткізіледі. Олимпиаданың өткізу тәртібін Ұйымдастырушылар бекітеді.

3.2. Олимпиадаға қатысу әр жылдың қыркүйек айында жіберілетін ақпараттық хатта көрсетілетін болады.

3.3. Олимпиада 3-4 сынып оқушылары арасында мемлекеттік және орыс тілдерінде өтеді.

3.4. Олимпиада **тегін**, оқушылардан қаражат жиналмайды.

3.5. Олимпиада 4 кезеңнен тұрады:

## **I кезең – мектепішілік.**

Мектептерден келген сұраныс негізінде «Зерделі» ақыл-ой дамыту мектебі орналасқан өңірлерде олимпиаданы жергілікті мектептермен уақытын келісе отырып, офлайн өткізеді.

Мектепішілік олимпиаданың тапсырмалары жалпы екі бөлімнен тұрады. Берілетін уақыт - 60 минут, осы уақыт аралығында әр бөлімдегі тапсырмаларды орындау арқылы қатысушы 100 ұпай жинайды.

Бірінші бөлім. Тест жұмысы, 10 есеп беріледі, әр дұрыс жауапқа 5 ұпай, жалпы ұпай саны 50.

Екінші бөлім. Бос орынды толықтыру, 10 есеп беріледі, мұнда оқушылар тек жауаптарын толтырады. Әр дұрыс жауапқа 5 ұпай беріледі, жалпы ұпай саны 50.

## **II кезең – Аудандық (қалалық) кезең.**

Аудандық кезеңнің тапсырмалары жалпы екі бөлімнен тұрады. Берілетін уақыт - 60 минут, осы уақыт аралығында әр бөлімдегі тапсырмаларды орындау арқылы қатысушы 100 ұпай жинайды.

Бірінші бөлім. Тест жұмысы, 10 есеп беріледі, әр дұрыс жауапқа 5 ұпай, жалпы ұпай саны 50.

Екінші бөлім. Бос орынды толықтыру, 10 есеп беріледі, мұнда оқушылар тек жауаптарын толтырады. Әр дұрыс жауапқа 5 ұпай беріледі, жалпы ұпай саны 50.

## **III кезең – Облыстық кезең.**

Олимпиаданың тапсырмалары жалпы үш бөлімнен тұрады. Берілетін уақыт - 90 минут, осы уақыт аралығында әр бөлімдегі тапсырмаларды орындау арқылы қатысушы 100 ұпай жинайды.

Бірінші бөлім. Тест жұмысы, 10 есеп беріледі, әр дұрыс жауапқа 4 ұпай, жалпы ұпай саны 40.

Екінші бөлім. Бос орынды толықтыру, 10 есеп беріледі, мұнда оқушылар тек жауаптарын толтырады. Әр дұрыс жауапқа 4 ұпай беріледі, жалпы ұпай саны 40.

Үшінші бөлім. Шешу, дәлелдеу, есептеу. Бұл кезеңде қатысушыларға 2 есеп беріледі. Әр дұрыс жауап 10 ұпаймен есептеледі, жалпы ұпай саны 20.

## **IV кезең – республикалық.**

Олимпиаданың республикалық кезеңі облыс орталықтарында өткізіледі. Республикалық кезеңге олимпиаданың облыстық кезеңінен іріктелген жеңімпаздар қатысады.

3.6. Олимпиаданың тапсырмалары жалпы үш бөлімнен тұрады.

Үш бөлімге берілетін жалпы уақыт - 100 минут, осы уақыт аралығында әр бөлімдегі тапсырмаларды орындау арқылы қатысушы 100 ұпай жинауы қажет.

Бірінші бөлім. Тест жұмысы, 10 есеп беріледі, әр дұрыс жауапқа 3 ұпай (I, II кезең үшін 5 ұпай), жалпы ұпай саны 30 (I, II кезең үшін 50 ұпай).

Екінші бөлім. Бос орынды толықтыру, 10 есеп беріледі, мұнда оқушылар тек жауаптарын толтырады. Әр дұрыс жауапқа 3 ұпай (I, II кезең үшін 5 ұпай) беріледі, жалпы ұпай саны 30 (I, II кезең үшін 50 ұпай).

Үшінші бөлім. Шешу, дәлелдеу, есептеу. Бұл кезеңде қатысушыларға 4 есеп беріледі. Әр дұрыс жауап 10 ұпаймен есептеледі (жалпы ұпай саны 40).

#### **IV. Өткізілу мерзімі мен орны**

4.1. Олимпиаданың өткізу уақыты мен тәртібін Ұйымдастырушылар анықтап, бекітеді.

4.2. Олимпиаданың әр кезеңін өткізу мерзімдері ақпараттық хатта берілетін болады.

#### **V. Марапаттау**

5.1. Олимпиада жеңімпаздары әр бөлімде жинаған ұпайларына байланысты анықталады. Әр кезең ұпайлары келесі кезеңге қосылмайды.

5.2. Олимпиада жеңімпаздарына I, II, III орын иеленгені үшін өңірлік «Дарын» орталықтары мен «Зерделі» ақыл-ой дамыту мектебінің атынан дипломдар беріледі.

5.3. Республикалық «Алтын сақа» олимпиадасының жеңімпаздарына «Дарын» республикалық ғылыми-практикалық орталығының дипломдары («Бас жүлде», I, II, III орындар) мен сыйлықтар беріледі.

Командалық есеп бойынша «Бас жүлде» алған өңірдегі «Дарын» орталығына «Алтын сақа» кубогы тапсырылады.

#### **VI. Олимпиаданы ұйымдастыру комитеті**

6.1. Олимпиаданы өткізу бойынша ұйымдастыру комитеті құрылады;

6.2. Ұйымдастыру комитеті олимпиаданы өткізеді, өтінімдерді қабылдайды, қатысушылардың тізімін жасап, қазылар алқасының құрамын анықтайды.

#### **VII. Олимпиаданың қазылар алқасы**

7.1. Қазылар алқасы төрағадан, мүшелерінен және хатшыдан тұрады. Қазылар алқасының құрамына алдыңғы қатардағы отандық және шетелдік жоғары оқу орындарының ғалымдары, бұрынғы халықаралық олимпиадалардың жеңімпаздары енеді. Қазылар алқасының құрамына Олимпиаданың кезеңдеріне қатысатын оқушылардың мұғалімдері енгізілмейді;

7.2. Олимпиаданың әр кезеңдерінің тапсырмалары мәтінінің соңғы нұсқасын әзірлейді және құрады;

7.3. Орыс тіліндегі тапсырмалардың қазақ тіліне дәлме-дәл аудармасына, берілген тапсырмалардың ғылыми-әдістемелік деңгейіне,

міндеттердің нақтылығына және олардың олимпиаданың тиісті кезеңі талабына сәйкестігіне жауап береді;

7.4. Тиісті кезеңдері өткенге дейін тапсырмалардың құпиялығына жауап береді;

7.5. Қазылар алқасының төрағасы тапсырмалардың орындалуын бағалау өлшемдері бойынша ұсыныстарын қабылдап, тапсырмалардың орындалуын бағалау өлшемдерін бекітеді және олимпиаданың регламентін әзірлеу жөніндегі қазылар алқасының жұмысын ұйымдастырады.

7.6. Жұмыстарды тексереді және бағалайды, қатысушыларды әр кезеңнің тапсырмаларының авторлық шешімімен және жұмыстарды тексеру нәтижесімен таныстырады;

7.7. Қатысушылардың жұмысын бағалаудағы келіспеушілікті талқылайды және қажет болған жағдайда тиісті түзетулер енгізеді;

7.8. Жеңімпаздарды анықтайды және олардың тізімін ұйымдастыру комитетіне ұсынады;

7.9. Олимпиадаға қатысушылармен тапсырмаларды талқылайды және үйлестіруді жүргізеді;

7.10. Апелляцияға берілген өтінімдерді қарастырып, соңғы шешім шығарады.

7.11. Ережені бұзғаны туралы кез-келген мәлімдеме немесе күдік туындаса, қазылар алқасы төрағасының назарына жеткізеді. Егер ол фактілер бар деп санаса, тексеру үшін комитет құрылады. Комитет қазылар алқасына өз тұжырымдары туралы хабарлайды. Қазылар алқасы ереже бұзушылықтың орын алғаны анықталған жағдайда, қандай шара қолдану керектігін шешеді. Үқтимал шаралар жеке қатысушыны немесе бүкіл команданы олимпиададан шеттету жатады. Қазылар алқасы қорытынды шешімді қабылдайды.